

兩浙名賢錄

兩浙名賢錄卷五目次

孝友

秦

顏孝子烏

漢

董徵君黯

王孝廉談

孫鍾

張孝廉武

沈瑜

弟儉附

費蕭令況

子鳳附

三國吳

新敦

始平長丁孝連覽

子固附

揚武將軍朱朗

晉

高山令夏文正方

許季義攷

子生附

夏孝光

丘昂

二弟夷矩附

遂昌長潘綜

孫法宗

宋齊梁陳

沈侍中文叔

弟文季子昭明附

顯親都尉買恩

妻柏氏附

郭世通

長水校尉聞人夔

郭長恭原平

沈昭光

從子曇亮附

何海虞子平

國子學士杜栢

朱處光議之

兄遜之附

太子洗馬沈思整崇僚

韓靈敏

兄靈真附

王文殊

褚記室修

朱敬達文濟

散騎侍郎虞山披荔

錢延慶

丘傑

朝奉請徐雄

唐

陳太碣

丁興

卷末目次

卷之五

二

光緒堂

張萬和

子孝  
祥附

許博士伯會

沈景筠

俞僅

和州刺史張君遷無擇

戴元益

章從事成綱

明經鄭崇義

徐知新

徐惠  
護附

宋

孝門陳君和侃

杜通判誼

孫教授寶著

仰天貺忻

子師常  
師尹附

孫長者

子式  
附

劉承詔

孫文舉之翰

石孝子

陳傅巖汝楫

妻徐氏附

范元亨鍾

余元卿

毛勿齋存

毛蕃八

兄攀龍附

麗水孝童周慧卿智

周奇越文澤附

徐亨

錢孝蕪堯卿

章延仲永

鄭從革鼎之

楊文脩

蔡元應定

連世瑜

妻方氏子士表士則附

楊富老

鍾宅

從子明滿子文厚文廣附

樓季發藎

呂子陽皓

弟源附

喻伯大京

父夢炎世父  
綱弟高附

王公袞

饒國材典祖

陳濮州思孝

趙孟傳商弼

吳處仁

弟田附

呂蒙

子瑛附

鄭傅士憲

蘭谿三孝

陳天隱董少  
舒金景文

朱虎殘秦

元

唐轅

弟毅附

裴尚

朱進士環

子元附

鄭宗文綺

金松一

胡景莊忠

姜大民蕪

丁祥一

余丙

子慈附

周樂

陳斗龍

張子用觀僧

周仲良驥

蔣伯玉珏

王君傅貴翁

潘應定

黃孟庶義貞

六世孫  
濟之附

胡野廬

過宗一

周士威

兄士  
行附

文學掾戚秉肅敬

魏保



林甲乙

陳孔英杲

弟多  
遷附

王泰

兩浙名賢錄卷五目次終

兩浙名賢錄卷之五

東海徐象梅仲和氏讓

武原鍾祖述君明氏閔

孝友

秦 凡一人

顏孝子烏

顏烏。烏傷人也。事親孝。父亡。負土成墳。羣烏啣土助之。烏吻皆傷。因以名。縣基在縣東四里。乾道中。邑令林元仲。盡返民侵地。而修其塋。城邑人何格爲謨。碑記。且繫

孝友

卷之五

一

光碧堂

之詞曰。由漢迄今餘千春。銅。銅。新。漆。知。幾。墳。陵。谷。變。遷。  
不。可。尋。源。氏。有。阡。巍。然。存。孝。肉。順。骨。世。所。尊。馬。鬣。蓬。穎。  
幾。何。分。烏。兮。無。知。猶。能。馴。肯。有。襟。裾。忘。其。親。因。以。名。縣。  
淑。其。民。爲。之。長。者。宜。益。敦。一。本。杯。土。或。見。侵。曾。會。不。如。  
何。足。人。淳。祐。元。年。魏。學。士。了。翁。爲。篆。題。表。之。曰。秦。顏。氏。  
烏。傷。墓。

漢

共八八

董徵君顯

董顯字叔達。鄞人。漢江都相仲舒六世孫也。家貧。早失

怙事母盡孝。母疾嗜大隱溪水，遠不能常致，黠築室溪濱，板與就養。厥疾遂瘳，隣王寄家甚富，縱酒無行，二母相見，各言其子寄聞而啣之，伺黠出，馱其母，黠還而母在牀，黠跪而言曰：「黠不孝及母之憂乎？」曰：「非也，我失言致王寄辱耳，後竟不起。」黠哀毀，負土既葬，廬於墓枕戈不言俟。王母卒，畢葬事，乃斬寄頭祭母墓，自囚以告有司。事聞，和帝詔釋其罪，且旌其異行，召拜郎中，不就而卒。由是以慈名溪，以溪名縣，吳虞翻稱之云：「盡心色養，喪致其哀，單身林野，鳥獸歸懷，怨親之辱，白日報讐，海

內閣名。照然光著。宋祥符間。錫號純德徵君。

王孝廉談

王談。烏程人。年十歲。父爲隣人竇度所殺。談有復讐志。嘗市利。鍾伺度卒。殺度而歸。罪有司。太守孔巖義其孝。勇。列上宥之。和帝元興中。舉孝廉。不應。終於家。

孫鍾

孫鍾。富春人。堅父也。性至孝。種瓜爲業。以養母。忽有三年少。容貌妍麗。詣鍾乞瓜。鍾爲設瓜。具飲。三人臨去。曰。我等司命郎也。重君之孝。將以佳地相與。欲違世。封侯。

欽數正天子鍾曰數世天子故當所樂因爲鍾定葬地  
出門悉化爲白雀飛去遂葬其母已而生堅堅生策權  
權改建國爲吳傅亮休皓凡四世五十九年卒如司命  
之言

張孝廉武

張武由拳人武幼時父蒙爲郡掾送太守妻子還鄉至  
河內遇盜戰死武少長奉遺劍求父死所祭泣瀕絕悲  
感路人太守第五倫嘉其行舉孝廉遭母喪過毀尋卒

沈瑜

弟儀附

沈瑜烏程人與弟儀少有志行瑜十歲儀九歲父亡居  
喪毀瘠過於成人外祖盛孝章撫慰之曰汝竝黃中通  
理終成青器何遽逾制自取毀滅耶瑜竟以毀故早夭  
候博學有雅才以儒素自業守道不移

費蕭令況

子鳳附

費況吳興人以孝友聞歷官至蕭令在邑多善政蝗不  
入境子鳳言不失典術行不越矩度安帝時舉孝廉拜  
郎中義行卓然爲一世所宗

三國吳

共四人

斯敦

斯敦烏傷人父備爲廷尉失議當坐死敦叩關泣血請以身代吳王嘉其孝赦備罪仍旌其門後俗因呼敦葬處爲孝義塘

始平長丁孝連覽

子固附

丁覽字孝連山陰人八歲而孤家素微清身立行用意不苟推財從弟以義讓稱補郡功曹守始平長門無雜賓孫權深貴重之未及進用會病卒子固字子賤少喪父而家貧養母孝敬備至族弟孤弱與同寒溫嘗夢松



生廉上自謂後十八年當爲公竟歷顯位遷司徒時孫  
皓悖虐固與陸凱孟宗同心憂國年七十六卒

楊武將軍朱朗

朱朗永興人性至孝父爲烏傷長陳頹所殺朗志在報  
讐未聞讎死朗至其家刺其子殺之魏聞其勇擢爲楊  
武將軍

晉 共九人

高山令夏文正方

夏方字文正永興人年十四家遭疫癘父母伯叔羣從

死者十三人。方夜則號哭，晝則負土。凡十七年而葬畢。因廬於墓，鳥獸馴擾，其旁。吳時，拜仁義都尉，累遷五官中郎將。朝會未嘗乘車，行必讓路。入晉，除高山令，百姓有罪，方向之涕泣，而不知杖大小，莫敢犯焉。

許季義孜

子生附

許孜，字季義，東陽人。從豫章太守，會稽孔冲，受易詩書禮孝經論語。冲亡，孜爲制服。三年，二親歿，椎毀骨立杖，而後起，建墓於縣之東山，躬自負土，每一悲號，禽鳥翔集，手植松柏，亘五六里。時有鹿犯松栽，孜長號，慙歎曰：

鹿獨不念我乎。詰旦忽見鹿爲猛獸搏死於所犯松下。收帳惋瘞之。猛獸復至。收前自襟而死。收益歎息。又取猛獸埋之。自是林木滋茂而無犯者。積二十年立宅墓。次朝夕奉亡如存。元康中郡察孝廉。不起。卒年八十餘。邑人號其居曰孝順里。咸康中太守張虞。跪聞於朝。詔旌門閭。蠲其賦役。子生有孝行家。於墓側圖收象於堂。朝夕奉焉。

夏孝先

夏孝先。桐廬人。父亡。負土成墳。廬其側。一夕野火燎山。

將及塋城。孝先遠墓號哭。忽羣鳥飛集。濡其羽沃之火。卽滅。尋於火處迸泉一穴。味極甘冽。溉田數百畝。縣令李師旦名之曰孝子泉。號孝先所居曰孝泉鄉。

丘昂

二弟夷矩附

丘昂，興興人也。家貧，好學，織畚以自給。與弟給事中夷太守矩並以孝行著聞。當時謂之三丘。

遂昌長潘綜

潘綜，烏程人。孫恩之亂，綜與父驃共走避。驃困乏，綜迎賊叩頭曰：「父年老，乞賜生命。」賊砍驃，綜抱驃，賊砍綜。凡

四。創有一賊謂曰殺孝子不祥。父子俱得免。後以薦累官遂昌縣長。宋元嘉中改其里曰純孝。蠲租布三世。

孫法宗

孫法宗。吳興人。父隨孫恩入海。被害。屍骨不收。母兄並餓死。幼而流離。至十六得還鄉里。勤苦營辦棺槨。葬送母兄。儉而中禮。聞人言。父子以血瀝骨。當悉滲入。乃操刀沿海。見枯骸。輒割肉滴血。經十餘年。臂脰無完膚。終不能遇。遂衰經居基所。終身不娶。亦不干仕進。以窮約終。

宋齊梁陳 共二十三人

沈侍中文叔 弟文季子昭明附

沈文叔武康人慶之之子也慶之被殺文叔時位侍中  
謂其弟中書郎文季曰我能死汝能報遂自殺文季揮  
刀馳馬去收者不敢追遂免升明初沈攸之起兵討蕭  
道成道成加文季冠軍將軍督吳興錢唐軍事初慶之  
之死攸之求行至是文季收殺攸之弟登之誅其宗族  
官至郢州刺史卒贈侍中司空謚忠憲方文叔之殉父  
而死也子昭明爲秘書開闢之曰吾何忍獨生亦自經

死

顯親都尉賈恩

妻柏氏附

賈恩諸暨人。少有至行。母亡。未葬。爲隣火所逼。恩與妻柏氏號哭。奔救。隣近赴助。棺槨得免。恩夫婦竟死於火。事聞。表其里爲孝義。蠲租三世。元嘉中。追贈天水郡顯親都尉。

郭世通

郭世通永興人。生而失母。父更娶。世通事父及後母甚孝。年十四。父又亡。居喪過哀。家貧。傭力以養。後母母亡。

賈土成墳。親戚咸共。賻助。微有所受。葬畢。備貨。遺直仁  
孝之風。及鄉黨人。皆不忍呼其名。元嘉四年。徵麟。常侍  
袁倫表其至行。詔旌其門。改所居。獨楓里。爲孝行里。

長水校尉聞人夔

聞人夔。吳興人。年十七。父爲仇家所殺。遺散財。結客。私  
刃父仇。斬頭以祭。自繫縣獄。有司上其事。齊高帝覽而  
賞之。赦其罪。官至長水校尉。

郭長恭原平

郭原平。字長恭。世通子也。儻作養。擬義不獨飽。父篤疾。



○編年原平未嘗解帶父亡慟絕方蒸躬自營墓喪終遂  
○不復肉高陽許瑤之自建安歸以錦一劔遺之不受瑤  
○之性謂曰今歲遇寒而建安綿好故以奉尊親爾原平  
○乃拜而受之及母亡毀瘠彌甚既葬墓前有田數十畝  
○不歸原平畊者每稔袒髮其墳墓原平輒往哭之乃蠲  
○貲貴買其田農月必冠帶垂泣以畊宅嘗種竹或盜其  
○筍原平見盜者常墜溝乃作橋溝上又採筍置籬外鄉  
○里乃懸規無復盜者宋文帝崩原平號痛日食麥餅  
○杖如此五日或曰誰非王臣何獨如此原平泣曰吾家

見異先朝不能報恩私心感動爾太守蔡興宗嘗以俸  
米百斛餉之原平不受興宗復表其殊行舉爲太學博  
士會興宗卒不果。

沈昭光

養子曇亮附

沈昭光昭明之季弟也仲兄昭略爲齊廢帝所殺遣兵  
至家人勸之逃光不忍舍母執母手悲泣遂見殺時昭  
明子曇亮已得逃去聞昭光死乃曰家門屠滅獨生何  
爲亦絕吭而死時人歎其一門忠孝。

何海虞子平

何子平山陰人。少有至行。爲揚州從事。月俸得白米。輒易粟麥以食人。問之。答曰。尊老在東。不辦得米。何心獨餐。每有饋餅肴者。若難以寄親。則不肯受。元嘉中。除海虞令。縣祿唯以養母。不及妻子。人或疑其儉薄。子平曰。希祿本以養親。不在爲已。及母喪去官。哀毀踰禮。每哭。踊頓絕方。藜屬大明末。東土飢荒。繼以師旅。八年不得營葬。晝夜號哭。常如袒括之日。所居屋敗。不蔽風雨。兄子伯興欲爲葺。子平不肯。曰。表情事未伸。天地一罪人。爾屋何宜。覆太守祭典宗。甚加矜賞。爲營冢墓。

國子學士杜栢

杜栢上虞人京產之子也善清言能彈琴齊時爲國子學士以父老歸養父卒水漿不入口者七日旣殯晨夕慟哭不進鹽菜每遇朔望節歲必慟絕而極嘔血數升何勸謝朓並貽書敦譬戒以減性至祥禪夢見其父一慟而絕初勸兄黜見栢歎曰卿風韻如此必獲嘉譽但恐不永年耳卒年三十六

朱處光謙之

兄遜之附

朱謙之字處光錢唐人父昭之以學解稱於鄉里謙之

年數歲所生母亡。耶之假葬田制爲族人朱幼方燎火所焚。同產姊密語之。謙之雖小便哀戚如持喪。年長不娶。永明中。手刃殺幼方。詣獄。自縊。縣令申靈勉表上。別駕孔稚珪兼記室劉琨。司徒左西掾張融。箋與刺史豫章王曰。禮開報讐之典。以申孝義之情。法斷相殺之條。以表權時之制。謙之旣申私禮。又明公法。今殺之則成罪人。宥之卽爲孝子。殺一罪人。未足弘憲。活一孝子。實廣風德。豫章王言之。世祖世祖嘉其義。慮相復報。乃遣謙之。隨曹虎西行。幼方子憚於津陽門伺殺謙之。謙之

兄選之又刺。憚有司以聞。世祖曰：此皆義事，不可問。悉赦之。吳興沈顛聞而歎曰：弟死於孝，兄殉於義，孝友之節萃此一門。

太子洗馬沈思整崇僚

沈崇僚字思整，懷明子也。六歲喪父，哭踊過禮。及長，事母至孝。家貧，傭書以養。梁天監二年，太守柳憚辟爲主簿。崇僚從憚到郡，還迎其母。未至而母卒，崇僚自以不及侍疾，悔恨欲死。水漿不入口，晝夜號哭者旬日。母柩厝去家數里，哀至輒往，哭不避雨雪。仰天號頓，飛鳥翔。

集家貧無以遷厝乃行乞經年始獲葬廬於墓側以初  
行喪禮不備復於葬後更持服三年久食麥屑不啖鹽  
豉坐臥一單薦骨立不能起郡縣舉至孝武帝遣中書  
舍人慰勉之令釋服擢補太子洗馬旌其門

韓靈敏

兄靈真附

韓靈敏劾人早孤與兄靈真並有孝行母亡無以營葬  
種瓜半畝朝採暮生遂得辦葬事會靈真亡妻胡氏守  
節慮其家奪已志未嘗歸寧靈敏事之如母以終

王文妹

王文殊故鄞人父死于魏文殊哀慕不勝每北望則長號雨泣如是者三十年既食麻衣終身不易太守孔琬之疏表其門名爲孝行里

褚記室修

褚修錢唐人少受易學於其父仲都善尺牘辨文章武陵王爲揚州引爲宣惠參軍帳內記室性至孝父喪毀瘠過禮及丁母艱水漿不入口二十三日氣絕復撫解號哭嘔血竟以毀卒

朱敬達文濟



朱文濟字敬達，吳興人。早孤，事母至孝。母卒，家貧無以襄事，乃賣身以營馬鬣。葬畢，執作主家無難色。太守謝藩解俸贖之，命爲儒林，不就。

散騎侍郎虞山披荔

虞荔，字山披，慈谿人。幼聰敏，有志操。年九歲，候太常陸倕，倕問五經十事，荔對無遺，倕甚異之。又嘗詣徵士何胤，時太守衡陽王亦造之，胤言於王，王欲見荔，荔辭曰：「未有板刺，無容拜請。」王以荔有高尚之志，雅相欽重，還郡，卽辟爲主簿。荔辭以年少，不就。及長，美風儀，博覽善

屬文梁武帝用爲士林館學士屢遷中書舍人時左右  
之任多參樞軸惟蒨與顧協靖退但以文史見知號爲  
清白侯景之亂蒨率親屬入臺母與蒨俱而卒於臺中  
時值喪亂情禮不申遂終身䟽素不聽音樂陳文帝深  
器之以爲中庶子引備顧訪多所獻替時弟寄在陳寶  
應所蒨每言輒流涕文帝哀之乃勅寶應求寄寶應終  
不遣蒨因感疾帝欲數臨視令家口入省蒨以禁中非  
私居之所乞停城外帝不許乃令住蘭臺乘輿再三臨  
問手勅中使相望於道又以蔬食積久非羸疾所堪乃

勳曰卿年事已多氣力稍減方欲仗委良須克壯今給卿魚肉不得固所執慕終不從卒贈侍中謚曰德子子世基世南並少知名各有傳

### 錢延慶

錢延慶烏程人秦始皇元年其父仲期爲吳慶恩所殺時延慶屬役在都聞之馳還於庾滿隸逢慶恩手刃殺之自繫烏程獄吳興太守郗順憐其孝烈表不加罪許之

### 丘傑

丘傑烏程人年十四遭母喪止噴生菜歲餘得廢疾每

發動痛楚不可言。忽夢母曰：死止是分別耳，何爾徒苦汝。噉生菜，遇蝦蟆毒靈牀，前有三丸藥，可取服之。傑驚起，果得藥服之。下科斗數升，疾頓愈。後徵爲留陵郡守，不就。

朝奉請徐雄

錢唐徐雄，文伯之子也。亦傳家業，工診察，位朝奉。請能清言，多爲貴游所賞。事母孝謹，母終毀瘠，幾至自滅，俟而兄亡，扶杖臨喪，撫膺一慟而卒。

唐 共十三人

陳太媪

陳太媪。浦江人。武肅之子也。事父母孝謹。二親併亡。哀毀不欲生。廬于墓側。手藝松柏。終身衰麻。哭泣弗少輟。每奠果肴。烏鳥不啄。

丁典

丁典。會稽人家。近荒野。野火延燒。典廬母老病。倉卒不及扶抱。乃濕衣覆母身。死母全。

張萬和

子孝祥附

張萬和。諸暨人。性至孝。神龍間。舉明經。以親老不仕。遭

父喪負土成墳與弟廬墓二十年萬和卒子孝祥亦廬墓二十餘年墓傍芝草生醴泉出事聞詔旌其門名其壘曰孝感。

許博士伯會

許伯會蕭山人詢之十二世孫也。舉孝廉爲衡陽博士。遭父喪負土成墳不御絮帛不嘗滋味野火將逮塋樹悲號于天俄而大雨火滅歲旱泉湧廬前靈芝瑞獸生於墓側。

沈景筠

沈景筠爲程人生有至性隱居獨善以孝事母母畏雷  
及卒葬於宅西每雷發聲卽奔至墓所號哭曰景筠在  
此賀知章爲之立傳名曰孝德

俞僮

俞僮蕭山人一門四代兄弟十五人老幼八十餘口並  
經術貞廉僮遭親喪哀毀骨立爲鄉里所稱觀祭使孟  
簡嘗於國經以勵風俗

和州刺史張君遷無擇

張無擇字君遷慈鄉人由進士舉明經調醴泉尉改汴

州奉軍以從討李敬業。贊畫有功。遷華陰令。時羅織獄起。吏以刻覈爲能。無擇徇向。寬簡未嘗私附。黨民賴以寧。監察御史郭翰薦於朝。召爲司刑丞。轉卿司農。適魏元忠與張昌宗廷辯獲罪。無擇上疏申理。元忠之枉。易之惡之。誦嶺表。移和州刺史。以父艱。奉喪歸葬。負土結廬。七日絕漿。三年不構。感醴泉芝草之瑞。服禪符。祿廬墓以壽終。

戴元益

戴元益。桐廬人。五世同居。庭木紫薇。枝生蓮理。咸通八



年刺史張蒸以聞詔以嘉木呈祥宜蠲徭役旌其門閭仍付史館書之以垂不朽

### 章從事成編

章成編於潛人喪母廬墓手植松柏墳側生紫芝十三莖烏鵲來巢麋鹿共處長吏以聞勅旌表門閭人稱爲章孝標家貧篤學仕爲山南東道從事

### 明經鄭崇義

鄭崇義，西安人爲郡學士讀書序中忽心痛不可忍崇義曰得無母有故乎奔歸而母果以病告比卒結廬躬

畊墓田以供贍。郡境有蝗，獨不食其苗。舍南木生，連  
理處，置使崔文上其事，詔旌表門閭。後以明經中第，謝  
而不仕。郡邑屢薦其孝，弟廉遜終不受徵。

徐知新 徐惠謹附

徐知新，西安人，性孝。葬父後，灑掃墓所者十年。產金芝  
叩之，有聲。同邑徐惠謹，五世同居，父母亡，哀毀過制。墓  
生靈芝十莖，連理。御史大夫宇文融爲勸農使，以實聞。  
與徐知新同被旌表，名其里曰孝義。

宋 共五十三人

孝門陳君和侃

陳侃字君和，永嘉之建牙鄉人也。事親至孝。親有疾，省膳膏藥，衣不解帶，執喪盡禮。五世同居，家無異爨。郡守上其事。太宗嘉之，詔旌表其門曰孝門。陳君賜其母李氏束帛，稅米。祥符七年，侃卒。至今建牙鄉猶稱其家曰陳孝門。

杜通判誼

杜誼，黃巖人。孝友，敦信，鄉人重之。康定中，二親繼喪，晝夜哭踊，負土成墳，廬於墓側。時山水夜溢，民居田菑，多

深沒而誼之故業宛然事聞旌表仕終梓州通判以壽卒。

孫教授寶著

孫寶著字天休蕭山人少孤事母至孝母寢疾思梅及鳩。秋月不可得仰天而號忽得青梅於樹鳩自飛墜取以奉母大觀初行部使者以聞賜進士第任杭衢二州教授。

仰天貺忻 子師常師尹附

仰忻字天貺其先吳興人也高祖仁讓從錢氏歸國以

太子中舍知永嘉卒。因家焉。愔力學以篤行稱。年五十餘。執母喪。躬自負土爲墳。遂廬於墓側。有慈烏白竹之異。元祐七年。郡守郝璽奏愔純孝之誠。出於天性。母林氏以壽終。今二十年。孺慕不衰。臣聞其風。駭率僚屬親至其所。忻僻居巖壑。衣食既素。儀骨樂樂。深可慨嗟。臣已准勅。優賜果帛。訖欲乞別加旌異。大觀二年。以八行取士。郡以愔應詔。未上卒。三年。勅仰愔惟爾事親。盡孝行孚於鄉。朕將寵以爵祿。俾爲風俗之勅。曷云其亡。宜加追賚。錫命告第。尚鑒茲哉。可特贈將仕郎。子師常師。

尹皆業儒有聲富族欲求婚忻著同姓圖曰姬周鄭江  
與仰同姓百世不通婚姻蓋後世論氏而不及姓故忻  
始倡焉所著有訓童規鑑十二卷

孫長者 子式附

孫長者史佚其名世家富春之臨江鄉性寬厚言悅行  
篤信於其鄉隣里有訟不之官皆云當見孫長者至則  
爲陳事理白其所以枉直之狀人人服而去以是臨江  
鄉人經歲不議長吏云母病躬視藥物日不交睫衣不  
解帶及母死身已病將葬竟死臨終語諸子曰吾生不

能送母於穴死。飲吾以衰。經庶盡。吾孝於土中。時皇祐間也。有子名式。登進士第。

### 劉承詔

劉承詔。唐襄公德威之後。德威五世孫。愉因避黃巢亂。自河南徙居越之上虞。至承詔十世。義居聚族四百餘人。內外無間言。和氣致祥。下及犬豕。一犬不至。泉犬不食。號孝義。劉家熙寧中。趙抃帥越。嘉之。聞於朝。詔旌其門。免其徭役。以寵異之。抃爲作義門記。

### 楊慶

楊慶郵人父病貧不能召醫乃割肢肉啖之又嘗割肝及乳爲親饋者五最後母病不能食慶取右乳燒灰和藥以進入口遂瘥久之乳復生每勝日輒以籃輿載母禱於阿育王山宣和中郡守樓昇表其坊曰崇孝紹興十二年始被詔旌表門閭

### 孫文舉之翰

孫之翰字文舉慈谿人少志學孝友本乎天性母病革割體取肝爲粥以進越夕母如醉自醒乃底於寧里人上其事於郡守趙伯圭將聞於朝之翰曰本心揀母他



縣所觀力止之以壽終

石孝子

石孝子者四明山農也家世貧賤古屋數楹隱隱藜薄  
中孝子早喪父獨與母居一日以事出則告其母曰兒  
出母無待養者幸往依女氏待兒之歸母諾其女氏家  
去母甚邇孝子謂母可卽至遂行後二日歸首過女氏  
而母未嘗至也孝子卽心動倉皇抵舍忽見壁間一巨  
竇覘之則虎子三據其榻處爲穴孝子知母已葬虎腹  
卽大慟盡殺虎子復磨一斧立竇內頃之母虎循竇入

卽砍其首碎之。取肝。屬。諸。庭。復。大。慟。以。斧。指。天。曰。吾。雖。殺。四。虎。而。母。讐。未。足。報。也。乃。更。跡。牡。虎。所。行。路。持。斧。阻。崖。石。待。之。牡。虎。果。跑。哮。過。崖。下。孝。子。奮。而。前。當。虎。首。連。砍。數。斧。卽。斃。孝。子。亦。隨。死。僵。立。不。仆。張。兩。目。如。生。而。手。所。持。斧。鐔。不。可。奪。鄉。隣。走。吊。咸。凜。凜。欲。亡。去。獨。嘗。捕。虎。者。相。率。拜。祭。而。神。之。

陳傅巖汝楨

妻徐氏附

陳汝楨字傅巖。象山人也。事親至孝。親歿未葬。隣家失火。將及家人。爭負筐篋。汝楨不顧。與妻徐氏伏柩號慟。

善不獨存。既而風返火息。柩乃獲。全人皆驚歎。以爲孝感所致。從弟汝舟疾且死。以幼子爲託。汝檉泣曰。而子卽吾子。忍異視邪。汝舟死。育其子。長爲受室。舉其遺物。昇之。

范元亨鍾

范鍾字元亨。臨安人。父居市肆。貨巾幘。蓄婢生鍾。婢滿去。不復聞。鍾浸長。讀書取科第。授其縣尉。常欲訪母。無從。偶經雷川。見渡口子屋中。媪單身齧餅餌。甚苦。鍾感之。詢其往跡。皆母事也。且云。少備臨安巾肆中。嘗生子。

今傳已作官恐貧賤不相認故獨勞耳鍾徵其子所生年月日皆與已合鍾大悲喜卽拜認之嫗倉卒未敢當鍾曰阿母無棄兒也遂具衣冠迎歸後鍾縮郡符持使節登華宴嫗皆及享其養云

余元卿

余元卿黃巖人父死元卿始生母曰我不見夫何忍見子自剔其目誓不他適宣和寇亂元卿負母而逃力弱不勝仰天誓曰天若助我全母願焚身以報寇定欲償前誓母力止之遂燃一指以謝天貺問里重之欲上其

事。則曰吾。非。干。名。者。也。旋。居。母。喪。哀。毀。不。離。墓。側。縣。上。之。評。立。碣。以。記。其。事。

毛勿齋存

毛存。錢。唐。人。父。伯。益。坐。流。嶺。表。死。存。聞。關。跋。涉。數。千。里。函。骨。歸。葬。先。隴。時。人。稱。其。篤。孝。善。画。墨。竹。水。石。如。楊。中。齊。裴。德。游。諸。公。高。其。行。皆。宗。之。號。勿。齋。

毛蕃八

兄。舉。龍。計。

毛蕃。八。江。山。之。棠。峯。人。膂。力。絕。人。曉。武。藝。猶。長。於。連。珠。箭。父。伯。叔。遭。賊。執。欲。刃。之。蕃。八。聞。之。直。衝。賊。陣。力。戰。於。

經堂山賊悍釋其父且語之曰所過鄉邑破竹面軍者  
必者曉得善射吾師也能以牛酒勞我即去善小兒萬  
後前搏戰數十合遂遇害死石塘泥坳中是日土石掩  
埋若神爲焉有識者歎曰烈哉行人所不能行也夫死  
父之難孝也罵賊不屈烈也孝且烈善之則也天其以  
六丁葬之乎兄攀龍從徑販餘霖學禮母喪廬墓三年  
邑令程鄒作孝子記以表之弟兄之孝蓋稱二難云

麗水孝童周慧卿智

周奇趙文澤附

周智字慧卿六歲喪父廬墓有紫芝一莖七葉之瑞事

開於朝會成均策試多士以高山節婦麗水孝童爲開  
徽宗覽之命編入時政記勅賜孝童出身終從政郎嚴  
州建德丞先是同邑周奇九歲喪母卧墳側二年有赤  
雀十數巢其傍可俯而窺也崇寧中詔賜粟帛又趙文  
澤六歲喪父廬墓有羣鼠啣花白雀來巢之異大觀中  
賜帛五十疋

徐亨

徐亨桐廬人宣和中方臘寇亂其黨號五虎將者執亨  
兄震欲殺之亨叩頭泣告曰家有老母兄能養之願身

代兄以活老母賊遂合衆而殺亨

錢孝廉竟卿

錢竟卿字熙載樂清人數歲居父喪如成人廬墓終制遂以孝稱母老不仕色養唯謹及卒哀毀過禮水漿三日不入口屏聲色却滋味者三年奉寡嫂如事母撫諸姪如已子闔族同居三十年無間言歲歉損穀價以濟飢民不能償者焚其券紹興間詔舉孝廉郡以名上未幾卒

章廷伸永



章永字延仲平陽人世居蒲澁父亡事母尤謹比母卒  
執喪如禮俗飯佛老以爲冥資永獨晨昏跪誦孝經曰  
吾聖人所以教孝者比舉葬渡蒲中流風濤陡作永伏  
柩長號曰罪逆應殞吾親何辜乎願天地神明鑒之言  
未脫口而風息迄濟焉嗚呼孝感之速如鼓之答桴也  
如此

鄭從革鼎之

鄭鼎之字從革會稽人事親至孝建炎初金人寇越士  
女悉奔竄鼎之獨衣冠事父湯藥不去賊至斥曰衆皆

逃死而敢獨留。不畏死耶。葬之曰。豈不畏死。顧老父年七十餘。病且革。不能負。與俱逃。若弃父。逃生心。尤不忍死。雖痛乎。奈獨父何。言與淚俱。賊爲感泣。捨去。且戒其黨勿更入孝子門。以是父子俱免於難。

### 楊文脩

楊文脩。諸暨人。有至性。母病。刲股以進。病遂愈。母歿。負土成墳。慈烏數十隨之。往返鄉間。欲上其事。固止之。文脩故病瘦。道遇異人。以手摩之。瘦移於背。居鄉。德惠及人。皆不忍名。呼曰佛子。常平使者朱熹。每行部。至縣。必

遺廬與談論久之乃去

蔡元應定

蔡定字元應山陰人家世貧寒父革依獄吏備書以資定定得游鄉校業進士有聲後獄吏坐舞文章連坐時年七十餘法當免繫鞠胥削革年籍議罪與獄吏等案具府奏上之方待命於朝定痛父非辜陷徃狂誓以身贖數詣府號訴請代弗許請効命於戎行弗許請隸伍符爲兵又弗許定知父終不可贖仰而呼曰天乎使定坐視父死乎父老且傭書罪固宜釋而無以告懇使父

果受刑。定何以生。爲乃豫爲誌銘其墓。又爲訴牒置懷中。陳其所以死者。冀免父刑罪也。趣府橋河自投死。太守聞而大驚。亟命出其父。且給資以葬之。紹興三年。郡守王絢上其事。立廟祀焉。賜額曰愍孝。

連世瑜

妻方氏子士表士剛附

連世瑜。樂清人。同妻方氏。事母至孝。母死。刻木肖像。奉事。益恭。里人王十朋親詣其家。詢諸比隣。咸曰。世瑜事亡如存。晨昏饋食。出告。反面。經今十年矣。而孝敬不衰。太守張九成饋酒禮之。未幾。世瑜死。方氏年踰七十。率

其子士爽士則俱事母。像益虔。世以之比。丁蘭云。

楊富老

楊富老麗水人。七歲喪父。葬於蕪弄塢。廬墓三年不返。烏鶴來巢木。生連理。紹興中。太守葉顥。延入郡庠。奉於朝。賜果帛。錄付國史。

鍾宅

從子明。滿子文厚。文廣附。

鍾宅。浦江人。淳熙中。母病。宅剔肝和藥。以進。病尋愈。從子明。亦割股療母。及明有疾。明弟滿。又割股療明。皆瘡。邑令李知退。義其事。爲代輸稅賦。三年。宅家嘗三世同。

居宅之子文厚。文廣尤極。友愛文廣。妻求分文廣。恐傷兄之心。卽出之。宅有至行。其事親。出於天性。而非矯揉。所致。當時有金智深者。母得危疾。亦剔肝爲餌。而後安。諺者謂宅之所化也。

### 樓季發蘊

樓蘊字季發。義烏人。性至孝。母喪。廢櫛沐。鹽酪不入口。結廬墓左。遠塚哀號。塚下畊者爲之墮淚。負土築塚。日自課三十肩塚。高數仞。鄉人合葬。請於郡邑。刺史遣從事勞之。且問狀。因謝曰。此人子之常事也。不願賞隣里。

強之不可歲時祭享不用釋老楮幣終其世巫祝不至

呂子賜皓

弟源階

呂皓字子賜永康人自少負志節學於林大中而友陳亮呂祖謙以出粟賑濟受知於倉使朱熹薦諸朝補郡文學淳熙中舉上禮部會父兄爲怨家誣構逮繫大理獄皓叩。歷。上。書。理。其。寃。願。納。所。得。官。以。贖。罪。且。言。無。使。聖。世。男。子。不。及。漢。一。提。索。女。子。爲。沒。身。恨。明。日。下。都。堂。議。宰。相。白。無。例。孝。宗。曰。此。義。事。安。用。例。由。是。其。父。兄。與。

連坐者五十餘人皆得釋再試禮部不第遂絕意仕進  
隱居桃巖山講學克已修慝孜孜不倦父母繼歿茹素  
三年廬墓以終喪割兄弟所選田爲義庄以贍鄉族部  
使者及郡邑以遺逸孝友交薦於朝俱不起嘗作雲溪  
逸叟自傳以見志弟源字予中性孝友嗜學皓常語之  
曰克其義以行於家而及於鄉可也何必應舉求仕遠  
躬行此言執親喪哀毀踰禮苦塊三年嘗爲義庄義倉  
且別爲小廩收郵間里弃兒病革時兄游江陵仰天大  
號曰不及見吾兄一語而訣哉不瞑矣人莫不哀思之



郡邑以孝弟聞於朝。贈通直郎。詔旌其門。

翁伯大京

父夢炎世父綱弟高附

翁京字伯大。義烏人。弟曰高。字仲明。其父夢炎與兄綱。親友。愛晉以治。周禮得雋聲。炎先兄薦於鄉。輒推故不。就試。以瑛綱越六年而綱始獲薦。乃同赴禮部。未至而。遭屬疾。扶歸。竟。過。抑弗振。以死。綱亦念弟之湮沒。以已。故遂絕意進取。用廢補官。終焉。夢炎二子。事母石氏以。孝。聞。石氏守節。善持家政。家素饒。於貲。遭兵戈亂離。石氏以白金千餘兩。嘗藏之。父之京他適。高不及告。取而。

有之石氏意不平京歸語其故京曰母所有將以遺吾兄弟也兄弟義同一體弟有卽吾有爾母何憊焉石氏重嘉歎卽取他所嘗白金二十錠以遺京京受其二後推以與高其後石與京相繼沒並殞於堂會寧海寇起抄掠旁縣家人咸逃匿山谷中高榜徨不能去號哭竟日夜乃歛金帛置兩柩間寇至奉以爲質告之曰吾所以不惡死而捐此者爲丐以全死者耳情辭懇切寇相顧駭愕弗爲取且以善言慰撫之而去家人返惟其人與柩俱無恙而白金故在莫知何以致然也高後以壽

終人稱其長者

王公哀

王公哀山陰人佐之弟也母墓爲盜所發盜旣捕得有司薄其罪公哀手斬盜首報母讐詣獄自繫佐請納所居官以贖弟永嘉王十朋時爲僉判賦詩美之且載其事於風俗賦中

錢國材與祖

錢與祖字國材上虞人少類成人長探理學母疾二年竭力致養及終貧不能葬孺子泣者五年旣葬白烏于

百集墓木上一大鳥類鵲類漫塞勞卒百日而後去

陳濮州思孝

陳思孝黃巖人宋季元兵擾攘其母被掠而北莫知所  
之思孝日夜號泣與家人訣誓不見母不還行七年至  
濮州得焉遂與母歸侍養益篤及卒若喪三年常在苦  
塊負土以葬鄉里驚歎因其濮州得母咸呼爲陳濮州  
而不名

趙孟傅商弼

趙商弼字孟傅家於上虞年十六隨父武顯之官池陽

適遇寇賊武顯稱月於顯以邀金帛孟傳以身蔽父號  
呼而言曰寧殺我勿傷吾父賊砍孟傳數刃衣破而體  
不傷賊相顧曰此孝子也殺之不祥竟釋去孟傳嘗謂  
人子不可不知醫乃博覽古方書盡知其要人以疾告  
必爲盡誠救療說者謂孟傳爲錫類之孝

吳處仁

弟困附

吳處仁世籍偃居父爲无兵所驅避山呼其子索銀以  
贖死處仁聞父聲急出語之曰銀吾所藏也容吾歸取  
以贖父及發窖則已爲人所射矣乃告兵曰銀無存者

吾黨吾頭來以代父死耳其弟困又欲代兄衆兵愕然  
義之俱獲免

呂蒙

子瑛附

呂蒙新昌人葬父集縣北三十里杜潭廬墓久不返子  
瑛憂懼築室龍巖迎家居之蒙遂蔬食終身哀慕四十  
年如一日及蒙卒瑛哀慕亦如之

鄭傅士憲

鄭憲僊居人舉景定進士第歷官太學博士德祐間元  
兵壓境憲奉母以逃歷深山中遇兵欲刃其母憲抱持

泣以身翼之。田寧教我遂俱遇害。

蘭谿三孝

陳天隱 董少舒 金景文

陳天隱字君舉，端重好學。父兄早喪，事其母馮以篤孝。稱母卒，將葬於三峯之陽。時六月赤日如焚，天隱先期虔禱，乞雲霧覆棺。已而果然，葬畢雲散，人皆異之。

董少舒字思仲，世業儒，行著於鄉黨。父亡，負土築塋，處於左，靈芝生塚上，有紫餘黃，蓋之祥。

金景文字唐佐，少有大志，力學而不求聞事。父母極孝，母喪，廬墓見天光下燭，五色爛然。後廬父墓，鳥鼠馴其

物無怖色。風雹環四隣，獨不入其舍。鄉人遇旱日，旱無  
苦。金公禱必雨，隨禱而應。咸淳四年，邑令沈應龍以景  
文及天隱少舒名，請于朝，建祠學官之右，名三賢堂。以  
其德應八行，作八行碑。

### 朱虎殘秦

朱秦，武康人家，貧。粥薪養母，常道數十里外，易甘旨。以  
進戒，妻子常候，母顏色。一日，雞初鳴，入山爲虎所攫，負  
之而去。秦已瞑眩，忽少甦，厲聲曰：虎爲暴，食我，恨母無  
訖耳。虎忽弃秦於地，貼耳走。如人疾驅狀。秦匍匐而歸。



母持以泣。泰亦強舉。踰月而後。如平時。鄉里聞其孝。感以金帛。遺之。目爲虎殘。

元 共三十一人

唐 韓 弟 毅 附

唐韓唐毅。鄆人也。父徵。禮以擅匿官。難事被陷。且執拘。以歸於京。毅請吏請代。父命不省。乃叩頭流血。繼之以死。吏憫其情。脫父桎。而桎之行。至越州。時毅自杭回。遇諸途。挽轅。泣曰。兄爲冢子。宗嗣所託。不可以死。弟請代。兄行。轅不從。毅給之曰。兄訥於言。性必不免。弟有一

計可生幸無苦竟奪其楛楛已手吏亦憫而從之彼抵  
京繫獄旬日近臣奏其非辜得免人以比古之假壽云  
裘尚

裘尚會稽之義門也晉義熙中自娶女徙居會稽之雲  
門世勤畊桑習絃誦越五代至宋踰六百年無異慶大  
中祥符四年州縣以聞詔旌其門蠲其課調是時裘氏  
義居已十九世矣其族長曰承詢至嘉泰初又五六世  
蓋二十四五世猶如故聚族日繁嘗有饋瓜者族長聚  
小兒十三歲以下百餘令自取各相推遜以長幼持去

其習爲庶遜如此。至和中，李待制允有詩云：夫何於會稽卓然有裘氏，同居六百年，相聚三千指。昔賢欽義方，列奏聞天子，恩詔表門閭。光輝映衆梓。

朱進士環

子元附

朱環字君玉，義烏人。仲父桂，無嗣，養之爲子。後桂生子壁，因外環，環益孝謹。凡勞事皆服行，不知有寒暑時境。內多盜，白晝出道上，斂人財。桂有金數百兩，與壁謀，瘞窖中。壁夜發之，反以誣環。桂怒，褫環襦袴，立之雪中。一日夜不使去，環恂恂謝過，無一言辯其冤。及桂死，遇壁。

正月。瑩子慶多暴。或駕以殺人罪。環憂不能食。竭私財救之。慶獲免。環善讀書。寶祐間嘗舉進士。年八十六終於家。子元字子初。至元末有盜數千。起縉雲。過永康。置砦峽源山。山抵元家甚邇。盜將劫元。父環爲謀帥元。閉邊歸。告環速避。寇不聽。復涕泣諫。環罵曰。豎子不解事。江南內附。又誰敢畔者。設有寇。不過鼠竊狗偷。何足病元。自度賊若縛父去。則是父從賊。反官坐以法。雖有百喙莫能白。爲今計者。孰若殺賊以自明。乃與役夫傅崇謀。挾刃伏垣下。或止之曰。賊勢張甚。汝不畏作菹醢邪。

元曰吾知有父爾若得白父以無罪雖萬死不恨會賊偵騎至竟砍殺二人梟首市中以血手入示父負之北逃賊平父得無罪

鄭宗文綺

鄭綺字宗文浦江人通春秋穀梁學事父母孝父照以非罪繫獄當死鄭上書請代竟白其寃母張病瘳綺保持若嬰兒三十年如一日合族同居家無異爨曾孫德璋爲仇家傾以死罪械送揚州兄德珪毅然代其行德璋泣隨之爭欲赴吏德珪以計沮其行從間道逸去竟

代弟死。德珪生文嗣。自緒至文嗣。同居六世矣。歷二百  
年。咸如緒。在時。文嗣生鑑。鑑生涓。涓生樾。皆善守家法。  
合數千指。無異心。至大中郡守。上其事。准勅旌表門閭。  
至元冬。太常博士柳貫與鄉校羣士。又上狀。請如故事。  
復其家。從之初。文嗣既沒。德璋子大和。司家事。嚴而有  
恩。雖家庭中。凜如公府。子弟小有過。頰白者。猶鞭之。每  
遇歲時。太和坐堂上。羣從子皆盛服衣冠。雁行立。左序  
下。以次進拜。跪奉觴。上壽畢。皆肅容拱手。自右趨出。足  
履相銜。無敢參差者。見者喟喟嗟歎。謂有三代遺風。名

聞天下自大丞相及臺省海內名公卿多賦詩美其行  
部使者行縣以其孝友七郡莫之或先徵書東浙第一  
家以褒寵之大和喜學禮不奉老子浮屠經像冠婚喪  
祭必稽古乃行子孫從化馴行孝謹不識塵市嬉戲事  
親親喪哀戚甚三年不御酒肉田賦之屬各有所司纖  
毫出納咸有文可覆決日則會不公則監視發之諸子  
晝各趨事夜輒合坐棹華軒中溫溫笑語至更餘始休  
雖多列顯仕不敢挾諸婦惟事女紅不使預家政宗族  
閭里以恩懷之各有差內外極嚴與臺通傳不敢越堂

張家畜兩馬一出則一爲之不食人以爲行義所感有  
家範二卷傳於世

金松一

金松一、蕭山人至正間以家貧傭工養母凡遇魚肉必  
持歸以奉一日母病篤思魚時天大寒江水皆冰計無  
所出乃往漁浦渡頭叩拜祈天浪曳鷓自西來墮雙鯉  
於前持歸供母病卽愈

胡景莊忠

胡忠字景莊餘姚人宋尚書沂六世孫也弱冠吳雙耳



鼻出血事母至孝與庶弟明睿同居共產有瓊榆之徵  
時州郡新附多盜賊忠出資募鄉夫掩捕之元貞問饑  
喪忠貸錢穀以賑閭里而葬其死者明年大穰里人齊  
餽穀明約忠歎曰饑民近得一飽吾忍取其宿道耶悉  
取麥對衆焚之其孝義爲鄉邦所推

姜大民燕

姜蓋字大民淳安人弱冠有志古道經史諸子靡不窺  
究工詩文詩法陶彭澤文法韓昌黎每云吾詩文得山  
水之助爲多故能力追作者天性篤孝七歲而孤隱居

養母屢辟不就。居喪哀毀幾絕。結廬墓側。朝夕哭臨。蔬水素麻。寒暑不易也。居傍小阜突起。宛類釣臺。終喪之後。且暮登躋。遙望隔滿松楸。向墓號痛。表其名曰思臺。有恩臺集若干卷。行於世。

丁祥一

丁祥一。諸暨人也。家貧。母老。行傭以養。母病。目無以爲藥。焚香露禱。每旦盥漱。拭目去眵。暮亦如之。逾三年。而母目復明。事上旌其門。邑人楊維禎爲詩贈之曰。孝子蘭刻木肖母顏。木有神痛相關。况我孝子有母上堂問。

安否母胡爲目。警母警劉壁行。行聽孝子聲。孝子泣。  
母慈母日何時仰見天。日星朝旆警。暮旆警。一日二日。  
百里程。母警豁然。而月明隣里來賀母。如長夜再生。孝  
子名上達天聽。華表柱爲孝子旌。

余丙

子慈附

余丙。遠安人。幼喪母。泣血成病。父亡。不忍葬。結廬。殞於  
古山下。閉戶守視。遭牧豎遺火。延及殯廬。丙與子慈。發  
身火中。救與棺俱焚。忽暴雨。火滅。父子無恙。人以爲  
感所致。

周樂

周樂瑞安人。宋狀元坦之後也。父廣通。能文。方氏。樂  
據溫州。拘虜置海舟上。樂隨往。事其父甚謹。一日賊  
令沉屍於水。樂泣請曰。我有祖母。幸留。父侍養。請以已。  
代。父死不聽。樂抱父不忍捨。遂同死。

陳斗龍

陳斗龍昌化之西眉川人也。父天澤娶盛氏。無子。求宜  
子者於錢唐清湖王氏。生斗龍。未一歲。王氏與盛不合。  
謝還。至元丁丑。天澤病。斗龍年十三。能奉粥藥。禱於神。

乞減年以延父壽弗效母盛亦以病卒斗龍居喪極哀  
厥羣鳥集其舍飛鳴三日夜而後去或告之曰盛母非  
母也而母錢唐王氏生而數月而盛母遺之去盛母非  
母也斗龍大驚突卽日與妻訣不見母不還至錢唐無  
知者有老嫗曰而母嫁江東去矣卽渡江踰淮走徽饒  
及廣德寧國凡六年於永豐禮賢鎮得焉爲施氏婦老  
矣施憐而還之至家徽寇犯邑斗龍負母入百丈山令  
妻擁其後未及山遇賊乃置母平處稽首告賊曰幼不  
知母求六年方得歸又相遺如此吾夫婦死無恨但母

老無養者賊咨嗟捨去且戒其徒勿更至山以驚其母  
人亦類以免達魯花赤阿思蘭也奴銳請旌表斗龍固  
止之胡長孺爲之傳

張子用觀僧

姪懷邦附

張觀僧字子用新昌人幼穎悟讀書知大義父患瞽不  
能行觀僧躬自扶持寢處必視寒煖飲食必極甘旨至  
正中寇亂居人皆驚走骨肉不相顧觀僧謂其姪懷邦  
曰吾父失明若父病吾與汝家貧不暇顧救父爲急脫  
有不幸當以身代懷邦曰諾乃相與各負其父逃避虜

鶴山中、俄而賊至、揮白刃、索金帛、無所有、將殺之、二人  
叩頭流血、請以身代、賊感而釋之、父子遂得俱全、父  
歿、廬墓三年、人皆稱張孝子云、

周仲良驥

周驥字仲良、新城人、性至孝、父早世、事母備至、飲食起  
居、唯母意是適、纖毫無敢忤、依戀若嬰兒、然候母所常  
止、輒手一卷、從傍、伊吾、或少出、而返、母離常所止處、則  
慮類不安、必見母、乃喜、家貧、試吏他郡、資其祿、以供肥  
廩、時方尚吏、吏權侷於上官、以他郡遠、母竟請去、隱桐

廬山力瘠以養母喪且夕號哭過間者不忍聞有見者  
疾不能行嫂喪明無子感事之如父母元季兵亂携兄  
嫂避難既歿卜地以葬鄉人稱孝友焉

蔣伯玉珽

蔣珽字伯玉開化人事父芹澗先生篤盡孝愛芹澗歿  
嘗謁墓念親嗜魚榜隍河側忽雙鯉躍出因取以祭賞  
道異之薦舉不受

王君傳貴翁

王貴翁字君傳瑞安人家貧授徒養母至正丙申山寇



至貴翁不顧妻子負母避北湖山爲賊所執裸而捶之  
求貴弗獲視其母衣貴翁哀懇弗聽遂抱母而泣賊怒  
殺之越三日母亦卒

濟應定

濟應定嘉興人事母至孝母喪廬墓有白雀翔集黃桂  
素花之異周伯琦勝其墓所曰雙禩

貴孟廉義貞

六世孫濟之附

貴義貞字孟廉餘姚人篤學好修事親以孝聞大德間  
徵拜博士辭不就隱居鳳亭壽一百五歲其六世孫濟

之能修義貞之孝。失慈於繼母，構於父而出之。益承順  
無忤，及父母歿，復廬於墓，鄉人稱其世孝云。

### 胡野廬

胡野廬，永嘉人。父義爲縣胥，事添設縣令劉公源。至正  
戊戌，公源弟公寬以兵襲方氏，弗克。越三日，方氏盡櫛  
劉氏黨，於是義被執。野廬時年二十一，曰：「事劉尹者我  
也，執父奚爲？遂釋其父，斬野廬於市。聞者爲之隕涕。」

### 過宗一

過宗一，海鹽人。蚤喪父，獨與母居。至正間，張士誠陷姑

蕪喀地至海上，宗一負母逃，與寇遇欲殺之，以身蔽母。中數創，賊舍而去。既返，益困，備以給食。母卒，六年不克葬，寢苦，服表不變。與人語輒泣，下白燕巢其室。東西相向，及葬，燕不復來。

周士威

兄士行附

周士威，永嘉人，與兄士行俱幼，喪父母，藉外祖母夏氏撫育，以至成人。士行業針工，以爲養。至正戊戌，方明善據郡，若干佛寺，置柵自衛，俾市民守之。九月十日夜，劉公寬率義兵砍柵入寺，明善遂逃。三日，方明善復入，舉

守齋者四家而士行與焉。遂囚於獄。時士威年十九。詣獄吏請曰。吾兄弟皆孤。藉外祖母以存。今外祖母年八十六矣。幸兄以求食養之。吾無能焉。若兄死則皆無託矣。願以身代兄死。因悲咽不自勝。獄吏憐而易之。士威遂遇害。

文學掾戚秉肅敬

戚敬字秉肅。嘉興人。母病。醫藥弗效。剖股肉以進。母不能食而死。敬痛絕再三。既葬。廬墓。產白芝五本。又欲像母事之。工弗能也。敬伏墓號哭。三晝夜不輟聲。母忽見。

事於工。明日工肖而像焉。敬奉之如事生。張士誠陷吳，  
將逼橋里，人皆遁。敬曰：吾忍舍父母墳墓耶？乃散財集  
子弟保鄉里。寇至，多所焚掠。敬所居白苧鄉獨完。有司  
論其功，請曰：敬爲墳墓計，敢希賞乎？後自使者薦爲文  
學，奉十年不調。

### 魏保

魏保，永嘉人。劉公寬之變，保父忠亦以守門故爲方明  
善所執，將斬之。保時年二十，至行刑所，以身蔽父。曰：是  
夕守門者保也。請自當罪，伸頸死於刃下。父遂得釋。

林甲乙

林甲乙，樂清人。蚤喪父，嘗備作養母。母亡，家貧不能葬。親以薄棺殮之。越數日，屍腐，流血淋漓，弗能止。穢聞於外，居隣憐惡之。甲乙因以器承其液，奉之仰天，痛哭自咎曰：此吾親之遺也，何恨疾若是哉！遂盡飲之，流血遂止。穢氣亦息，鄉人異之，以爲孝感所致。

陳孔英果

弟多遜附

陳果，字孔英，台州人。兩舉先生，叔夏之子也。至正壬辰夏四月，方谷珍寇亂，知州趙宜浩率民兵禦之，敗賊遂

奔潰四出。叔夏被執。抽刃將殺之。果伏父身上。願代死。賊碎殺之。弟多。遇肉袒馳至。請代兄死。身被數創死。而後。獲後爲山東運使。

### 王泰

王泰。永嘉人。宋提刑九初之後也。幼失怙。侍朝於伯父。丁未冬。兵大至。伯父爲兵所執。求財物不得。將殺之。乃方加頸。泰時年十五。匿藁薄中。躍出。給兵曰。見知產物。所伯父。遂得釋。而遣兵監掘數穴。皆無所有。乃涕泣告。兵曰。見實不知產處。恐伯父被害。故出願以身代伯父。

死兵怒斬之仆地兵既去伯父哀而視之則頸骨已斷  
而其喉未殊遂捧其首合於頸適人家有修船油灰因  
取以塗其瘡試以水滴口中稍稍能嚥至暮昇至家越  
七日始甦言曰方斬時若風冷然過頸良久熱痛悶暈  
若有數人遍指曰此兒甚孝且不當死即令一人以藥  
傅其頸冷然若冰雪痛遂止凡八易月其瘡始合而首  
竟偏